

## Das vergiss i dir nie

### Das vergiss i dir nie

Text und Musik  
Jacob Stickerberger

Herbscht ischs wor - de wo si d'Fründ vom Sum - mer wo - si die wo  
kei - ne wott meh dünkts mi i mym Chum - mer zuc mer y - ne cho

plötz - lech steisch du da und seisch es wür' dir gä - big pas - se

i dr Beitz dr - nä - ben eis ga zieh und i Löl ha

gmeint i syg vo Gott und Wält ver - las - se weisch grad das ver - gis - si dir nie

- Herbscht isch's worde wo si d'Fründ vom Summer  
wo si die wo?  
keine wott meh - dünkts mi i mym Chummer  
zue mer yne cho  
plötzlich steisch du da und seisch  
es wür' dir gäbig passe  
i dr Beitz drnäben eis ga zieh -  
und i Löl ha gmeint i syg vo Gott und Wält verlasse -  
weisch grad das vergiss i dir nie
- Trüeb isch's worden i ma nümme lache  
wirde nüm froh  
weis nüm y und us weis nüm was mache  
Träne si cho  
du wo Träne gsehsch du ziesch e grosse Naselumpe  
us dym Sack und seisch: sä nimm dá hie  
won i drümal gschützt ha isch my Seel nüm sone Chlumpe -  
weisch grad das vergiss i dir nie
- Chalt isch's worde wo isch d'Sunne blibe?  
wo isch my Gsang?  
d'Nacht het mir my Muet vom Tag vertribe  
dr Wäg isch no lang  
aber du wo näbe mir loufsch hesch es Liedli pfiße  
d'Angscht isch plötzlich wäg weis gar nid wie  
won i ou nüm gfore ha da hani mängs begriffe -  
weisch grad das vergiss i dir nie
- Still isch's worde wo bisch häregange?  
säg du das mir -  
jitze hätt i Grund dr Chopf la z'hange  
juscht wäge dir  
das du nümme da bisch weisch das chan i schlächt begryfe  
aber schliesselech hesch mer bybracht wie  
i dys Liedli ganz eleini ohni di cha pfyfe -  
weisch grad das vergiss i dir nie